



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

S. Felicitas M. 10. Iulii.

urn:nbn:de:hbz:466:1-41940

10. Iulii. VITÆ SANCTORUM. 435
bidorum asylon virgo exul esset, jam-
que tam felix exilium invideret Decius,
ideoque huic vincula, equuleos & flam-
mas superadderet, quin etiam Audacem
nobilem magum evocaret, qui imma-
nem in virginem serpentem armaret.
Sed pepercit hic virginitati, non item
magistro suo Audaci, urypote in cuius
collum ita invasit, ut nisi manum auxilia-
rem virgo tulisset, pereundum illi ab hoc
collari fuisset; quam tamen sic Audax
cervicem serpenti, Christianus postea
gladio non subduxit; quo *Anatolia* de-
niue etiam trajectu pudorem sanguine
tinxit, hoc est liliis rosas miscuit. Ex Sur.

Si nobis spuma, quæ sine peccato projiciuntur, horrorem faciunt in vestibus nostris; putas cogitationes libidinose, quas deabolus ingerit, qualem horrorem faciunt Deo in animabus nostris? B. Cæsar. hom. 3.

S. FELICITAS M. 10. Iulii.

FELICITATEM in manibus habes,
matronam in quâ unâ omneim Spar-
tam Roma extinguit. Stat ecce ad tribu-
nal plena animis, &c., qui matrem coro-
nat, globum filiorum in tyrannum agit.
Ne, ne oculos in tyrannum filii, aut quas
hic minatur pœnas, sed cælum, sed quæ cæ-
lum promittet gaudia, desigite. Ite, ostendi-
te etiam suos Romanis Machabæos esse, im-
plete nominiis mei umen; facient sim, que

Ee 2

di-

436 VITÆ SANCTORUM. 10. Iulii.
dico, Felicitas. Septem esis, si pueri,
certè numero tyranno superiores. Sed &
mater adero, pugnabo in singulis, in om-
nibus triumphabo. Votum pugnæ hoc est,
ut nostrū ex acie virus nemo discedat.
Talia mater filiis: at matri tyrannus co-
laphos ingerebat. Mox Januarius virgis
cæsus ridet puerile tormentum. Negant
Felix & cum Philippo Silanus sive à fra-
tribus sive à Christo avelli posse. Jam
Alexander clientelam Imperatoriam of-
ferenti Christi se Libertum respondet.
Vitalis porrò edicere Iudicem jubet dæ-
moníne malo an Deo Opt. serviendum.
Denique rectissimè Martialis casis mi-
nis series Orci poenas opponit. Has ita-
que inter pugnas, plumbatis, fustuario,
præcipitio ferroque omnis fraterna acies
cadit. Et potuit in septem Germanis
trecentos Fabios spectare Roma. FELI-
CITAS certè spectavit, & oculis suis tot
sibi oculos erui videre sustinuit, dum ult-
ima à ferro est mortua. Si tamen mori
jam potuit septies mortua. Ex Surio.

Quid tempore judicii facturi sumus,
quando contra Crucifixi Domini livores no-
tæ peccatorum nostrorum, & macula libi-
dinum proferentur? quo vultu respiciet re-
demptio nostra perditionem nostram? tanto
graviora erunt nostra delicta, quanto majo-
ra se ostenderint divina beneficia. S. Cæsar.
hom. 23.

S. GO-